



**KEMENTERIAN KEWANGAN**  
**PEKELILING PERBENDAHARAAN BIL. 8 TAHUN 2011**  
**KEMUDAHAN KAD NAMA**

**TUJUAN**

Tujuan Pekeliling ini adalah untuk menetapkan peraturan berhubung kemudahan Kad Nama kepada Pegawai Kumpulan Pengurusan Tertinggi dan Kumpulan Pengurusan dan Profesional di Kementerian/ Jabatan Persekutuan.

**LATAR BELAKANG**

2. Pada masa ini, kemudahan Kad Nama ditetapkan di bawah Pekeliling Perbendaharaan Bil. 9 Tahun 1994 (PP 9/1994). Selaras dengan keadaan semasa, Perbendaharaan bersetuju supaya PP 9/1994 disemak semula.

**PERATURAN PEMBERIAN KAD NAMA**

3. Kemudahan Kad Nama ini boleh disediakan oleh Kementerian/ Jabatan kepada pegawai Kumpulan Pengurusan Tertinggi dan Kumpulan Pengurusan dan Profesional sahaja.

4. Maklumat yang perlu ada pada Kad Nama adalah seperti berikut:

- i. nama pegawai;
- ii. jawatan pegawai;
- iii. nama dan alamat kementerian/ jabatan/ agensi;
- iv. nombor telefon, faks dan emel pejabat; dan
- v. maklumat-maklumat lain yang perlu.

5. Kadar kos percetakan Kad Nama adalah maksimum RM1.00 sekeping.
6. Ketua Jabatan adalah bertanggungjawab memastikan perkara berikut:
  - i. menentukan keperluan bilangan penyediaan Kad Nama kepada pegawai yang layak supaya bersesuaian dengan tugas pegawai. Walau bagaimanapun, Ketua Jabatan perlu membuat kawalan bagi mengelak berlakunya pembaziran;
  - ii. menentukan rekabentuk Kad Nama yang bersesuaian; dan
  - iii. sedapat yang boleh membuat tempahan Kad Nama secara pukal supaya lebih menjimatkan.

#### **PEMAKAIAN PEKELILING**


7. Pekeliling ini dipanjangkan kepada semua Perkhidmatan Awam Negeri, Badan Berkanun Persekutuan dan Pihak Berkuasa Tempatan tertakluk kepada penerimaannya oleh pihak berkuasa masing-masing.

#### **TARIKH KUAT KUASA**

8. Pekeliling ini berkuat kuasa mulai tarikh ia dikeluarkan.

#### **PEMBATALAN**

9. Dengan berkuat kuasanya Pekeliling ini, Pekeliling Perbendaharaan Bil. 9 Tahun 1994 adalah dibatalkan.



(Tan Sri Dr. Wan Abd. Aziz Wan Abdullah)  
Ketua Setiausaha Perbendaharaan  
Kementerian Kewangan Malaysia  
Putrajaya

**AG** Ogos 2011

s.k.:

Ketua Setiausaha Negara  
Ketua Audit Negara  
Akauntan Negara Malaysia  
Semua YB Setiausaha Kerajaan Negeri  
Semua Ketua Eksekutif Badan Berkanun Persekutuan  
Semua Pihak Berkuasa Kerajaan Tempatan